



UNIVERSITÄTS-
BIBLIOTHEK
PADERBORN

**R. P. Ivlii Fatii S. J. Liber De Mortificatione Nostrarvm
Passionvm, Prauorumque affectuum**

Fazio, Giulio

Köln, 1604

De mercenarijs & seruis infidelibus. XVIII.

[urn:nbn:de:hbz:466:1-60991](https://nbn-resolving.org/urn:nbn:de:hbz:466:1-60991)

tionem, ac peruenire ad vitam contemplati-
uam. Et vocatur istud instrumentum, gra-
tia operans, de qua adhuc multa audientur.
Ceterum, quid intelligi debeat per verba
illa, aspirate ad amorem vniuersi, in conse-
quentibus declarabo in vita contemplati-
ua. In ijs autem quae dicta sunt habetur ple-
na praeparatio ad vitam actiuam, & origo
vitalis contemplatiuae.

CAPVT XVIII.

De mercenarijs & seruis infidelibus.

EST tamen haec notanda vna regula ge-
neralis de seruis cuilibet ex his tri-
bus statibus, scilicet quod tria sunt
quae homines in diuino seruitio faciunt
seruos non fideles, sed mercenarios, dignos
a Deo contemni & condemnari. Primum
est, quod quis in omni exercitio quaerit se-
ipsum & propriam utilitatem consequi,
puta sensibilem gratiam, deuotionem, me-
ritum & gloriam, vel etiam incommodum pro-
prium euitare, puta temporale damnum,
confusionem, poenam vel plagam, pur-
gatorium, infernum & similia. Imo est
inuenire nonnullos, qui contemnant om-
nia & strictam religionem aut poenit-
entiam, assumant, omnemque gaudent
sustinent aduersitatem, ad acquirendam
vitam aeternam vel euadendam poenam
aeter-

DE MORTIFICAT. 273

æternam, & tamen nō stant in gratia, nec
 etiam in charitate Dei. Nam taliter egit
 Platonis discipulus, qui audiens Platonem
 disputantem de futura felicitate, illam que
 desiderans, se præcipitem dedit & fregit
 ceruicem, vt peruenire posset ad felici-
 tatem quam audierat commendari, & ta-
 men condemnatus fuit, quia ipse & Plato
 ambo erant infideles. Pariformiter Iudæi
 atque hæretici voluntariè suscipiūt mor-
 tem pro sua fide in spe vitæ æternæ. Secun-
 dum est, quod opera sua & exercitia val-
 de magna reputat, & inde complacen-
 tiam habet plus in seipso quam in Deo.
 Et cū ista fiducia quiescit magis in ope-
 ribus suis, exercitijs atque virtutibus, quā
 in libertate filiorum DEI, quam dul-
 cis Iesus suo præcioso sanguine multum
 amorosè mercatus est. Tertium est, quod
 nunquam tam fideliter Deo famulare-
 tur, nisi speraret bonum præmium se in-
 de recepturum, vel si sciret non esse in-
 fernum, purgatorium vel iudicium exte-
 rum: quia talia plus metuit, quam Deum
 offendere. Istiusmodi homines sunt mer-
 cenarij, nec digni peruenire ad vi-

tam æternam, aut percipe-

re gratiam & amo-
 rem Dei.

M 5:

De